



TOSHKENT DAVLAT YURIDIK UNIVERSITETI REKTORINING B U Y R U G ' I

11.07.2024

414-tm-son

Talabaga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksida belgilangan meyorlarni buzish holatlari kuzatilmoqda.

Jumladan, Magistratura va sirtqi ta'lim fakulteti sirtqi ta'lim shakli 3-kurs

A potok 3-guruh talabasi Usmonov Jasur Botir o'g'liga nisbatan Jinoyat-protsessual huquqi kafedra o'qituvchisi Uralov Sarbon tomonidan universitet rektori nomiga quyidagi mazmundagi bildirgi bilan murojaat qilingan:

"...2024-yilning 7-iyun sanasida 2-bino 220-xonada Magistratura va sirtqi ta'lim fakultetining 3-kurs (sirtqi ta'lim) talabalari uchun Soliq huquqi modulidan yakuniy nazorat imtihoni o'tkazildi. Yakuniy imtihon davomida Usmonov Jasur ichki tartib qoidalarni qasddan mensimasdan mobil telefon hamda qo'l sumkasi (barsetka)ni olib kirganligi aniqlandi.

Talaba Usmonov Jasur ogohlantirilib, barsetka va mobil telefonni topshirishi lozimligi, aks holda dalolatnoma tuzilgan holda imtihondan chetlashtirilishi haqida ogohlantirilishiga qaramay "sen kimsan menga bunday deysan", "ko'chaga chiq odin na odin gaplashamiz" deb imtihondan o'zboshimchalik bilan chiqib, meni orqamdan ko'rsatgich barmog'i bilan itarib chiqardi. Shundan so'ng shovqin ko'tarilmasligi uchun men va talaba Usmonov Jasur 219-xonaga kirdik. Mazkur vaziyatda Usmonov Jasur "men PhDman, 3 ta universitetni tomomlaganman Milliy gvardiyada xodim-boshliqman, kapitanman, qo'limda shaxsiy tarkibim bor, g'o'ddaymalaring menga, meni imtihonda yosh bolaga o'xshab dalolatnoma tuzaman deb qo'rqitasanlar patsan bolalar oldida" deb xizmat guvohnomasini ko'rsatib ro'kaj qildi, sansiragan holda ko'chada gaplashamiz birga-bir gaplasha olaman deb qo'llari bilan urmoqchi bo'ldi.

Ushbu vaziyatda O'quv-uslubiy boshqarma xodimi va auditoriya kuzatuvchilaridan biri kelib vaziyatni yumshatishga harakat qilsada imkoni bo'lmadi. Natijada talaba yana o'zboshimchalik bilan auditiroyaga kirib, imtihon

topshirishni davom ettiraverdi”.

Jinoyat-protsessual huquqi kafedrası o‘qituvchisi Uralov Sarbon tomonidan universitet rektori nomiga kiritilgan bildirgida ko‘rsatilgan holatlar universitet Odob-axloq komissiyasining 2024-yil 1-iyul kungi yig‘ilishida atroflicha muhokama qilinib, ko‘rib chiqildi va komissiya tomonidan talaba Usmonov Jasur Botir o‘g‘liga nisbatan hayfsan intizomiy ta’sir chorasini qo‘llash taklif etilgan.

Talaba Usmonov Jasur Botir o‘g‘li o‘zining yuqoridagi xatti-harakatlari bilan Oliy ta’lim to‘g‘risidagi nizomning (ro‘yxat raqami 1222, 2003-yil 22-fevral) 43-bandi hamda Toshkent davlat yuridik universiteti Odob-axloq kodeksi 15-moddasining ikkinchi xatboshisi (o‘z harakatlari bilan Universitet imijini saqlash va oshirish, Universitet, uning xodimlari, talabalari va doktorantlari nomi va manfaatlariga asossiz ravishda ziyon yetkazadigan harakatlarni amalga oshirmaslik, shuningdek ular bilan muloqot qilganda hamda jamoat oldida, ommaviy axborot vositalari, Internet, ijtimoiy tarmoq va messenjerlardagi chiqish va yozishmalarida o‘zlarining namunali xulq-atvori bilan Universitet haqida yuksak ijobiy taasurot uyg‘otish), 17-moddasining ikkinchi xatboshisi (har qanday huquqbuzarlik yoki jinoyat sodir etish, jumladan tuhmat qilish, haqoratlash), 17-moddasining to‘rtinchi xatboshisi (tinchlik yoki osoyishtalikka qarshi tajovuz qilish, janjallashish), 18-moddasining birinchi xatboshisi (xodim, talaba va doktorantlarning o‘zaro munosabatlari milliy qadriyat va an’analar, yagona jamoaviy muhit, o‘zaro hurmat va e’tibor, do‘stlik, hamjihatlik, halollik va adolat tamoyillariga asoslanishi lozim), 18-moddasining ikkinchi xatboshisi (xodim, talaba va doktorantlarning o‘zaro munosabatlarida inson qadr-qimmatiga hurmatsizlik, shaxsiyatni kamsitish, qo‘pollik, behayo so‘zlar ishlatish, mushtlashish qat’iyan man etiladi)da belgilangan qoidalarni qo‘pol ravishda buzgan.

Yuqoridagilarni inobatga olib, Oliy ta’lim to‘g‘risidagi nizom (ro‘yxat raqami 1222, 2003-yil 22-fevral) va Universitet Ichki tartib qoidalarining 83-bandiga asosan, shuningdek universitet Odob-axloq komissiyasining 2024-yil 1-iyuldagi 37-son yig‘ilish bayoniga muvofiq,

BUYURAMAN:

1. Toshkent davlat yuridik universiteti Odob-axloq komissiyasining 2024-yil 1-iyuldagi 37-son yig‘ilish bayoni ma’lumot va ijro uchun qabul qilinsin.
2. Magistratura va sirtqi ta’lim fakulteti sirtqi ta’lim shakli 3-kurs A potok 3-guruh talabasi Usmonov Jasur Botir o‘g‘liga hayfsan e’lon qilinsin.
3. Magistratura va sirtqi ta’lim fakulteti dekani A.Babadjanov:
mazkur buyruq mazmun-mohiyatini talabalar e’tiboriga etkazsin va tushuntirish ishlarini olib borsin;
talabaning shaxsiy hujjatlar yig‘majildiga buyruq nusxasi tikilishini ta’minlasin.
4. Mazkur buyruq bajarilishini nazorat qilish Yoshlar masalalari va

ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

A.BABADJANOV

**Kelishildi:**

Yoshlar masalalari va ma'naviy-ma'rifiy ishlar bo'yicha birinchi prorektor

A.XASHIMHONOV



Uslubchi

Z.G'ANIYEVA



Katta yuriskonsult

A.TURSUNOV

